

御定全唐诗

御定全唐詩目 第七函

第九冊

胡杲

吉皎

劉真

鄭據

盧真

張渾

韋式

張彤

周元範

繁知一

嚴休復

盧拱

李諒

劉猛

萬彤雲

盧貞

共二卷

王起

王損之

王炎

封孟紳

邵楚萇

鄭俞

吳丹

王鑑

陳昌言

杜元穎

胡直鈞

俞簡

楊嗣復

共二卷

楊衡

一卷

牛僧孺

葉季良

湛賁

薛存誠

裴次元

李宣遠

李君何

周弘亮

陳翥

曹著

王公亮

張仲方

崔元亮

徐牧

王播

獨孤良弼

沈傳師

白行簡

裴澄

羅立言

張燦

共二卷

牟融

一卷

劉言史

一卷

長孫佐輔

張碧

張瀛

共二卷

盧殷

獨孤申叔

嚴公弼

嚴公貺

莊南傑

李溟

賀蘭朋吉

王魯復

徐希仁 共二卷

雍裕之 一卷

段弘古

何元上

宋濟

符載

張儼

先汪

李赤

薛昇

孫叔向

劉皂

楊厚

裴交泰

李祕

殷堯棊

林傑

鄭立之

蘇郁

浩虛舟

蔡京

張頂 共二卷

全唐詩

胡杲

胡杲安定人懷州司馬詩一首

七老會詩

杲年八十九

閑居同會在三春大抵愚年最出羣霜鬢不嫌杯酒興
白頭仍愛玉爐熏裴回玩柳心猶健老大看花意卻勤
鑿落滿斟判酩酊香囊高挂任氤氲搜神得句題紅葉
望景長吟對白雲今日交情何不替齊年同事聖明君

吉皎

吉皎馮翊人衛尉卿致仕詩一首

七老會詩

皎年八十八

休官罷任已閑居林苑園亭興有餘對酒最宜花藻發
邀歡不厭柳條初低腰醉舞垂緋袖擊筑謳歌任褐裾
寧用管弦來合雜自親松竹且清虛飛觥酒到須先酌
賦詠成詩不住書借問商山賢四皓不知此後更何如

劉真

一作貞

劉真廣平人磁州刺史詩一首

七老會詩

真年八十七

垂絲今日幸同筵朱紫居身是大年賞景尙知心未退
吟詩猶覺力完全閑庭飲酒當三月在席揮毫象七賢
山茗煮時秋霧碧玉杯斟處彩霞鮮臨堦花笑如歌妓
傍竹松聲當管弦雖未學窮生死訣人間豈不是神仙

鄭據

鄭據滎陽人右龍武軍長史詩一首

七老會詩

據年八十五

東洛幽閑日暮春邀歡多是白頭賓官班朱紫多相似
年紀高低次第勻聯句每言松竹意停杯多說古今人
更無外事來心肺空有清虛入思神醉舞兩回迎勸酒
狂歌一曲會娛身今朝何事偏情重同作明時列任臣

盧真

盧真范陽人侍御史內供奉詩一首

七老會詩

真年八十三

三春已盡洛陽宮天氣初晴景象中千朵嫩桃迎曉日

萬株垂柳逐和風非論官位皆相似及至年高亦共同
對酒歌聲猶覺妙玩花詩思豈能窮先時共作三朝貴
今日猶逢七老翁但願醪醕常滿酌煙霞萬里會應同

張渾

張渾清河人永州刺史詩一首

七老會詩

渾年七十七

幽亭春盡共爲歡印綬居身是大官遁跡豈勞登遠岫
垂絲何必坐谿礚詩聯六韻猶應易酒飲三杯未覺難
每況襟懷同宴會共將心事比波瀾風吹野柳垂羅帶
日照庭花落綺紈此席不煩鋪錦帳斯筵堪作畫圖看

韋式

韋式太和中人詩一首

一字至七字詩

以題爲韻同王起諸公
送白居易分司東都作

竹

竹臨池似玉裛露靜和煙綠抱節寧改貞心自束渭曲
偏種多王家看不足仙杖正驚龍化美實當隨鳳熟唯
愁吹作別離聲回首駕驂舞陣速

張彤

張彤長慶時人詩一首

奉和白太守揀橘

凌霜遠涉太湖深雙卷朱旗望橘林樹樹籠煙疑帶火
山山照日似懸金行看採掇方盈手暗覺馨香已滿襟

揀選封題皆盡力無人不感近臣心

周元範

周元範句曲人詩一首

和白太守揀貢橘

離離朱實綠叢中似火燒山處處紅影下寒林沈綠水
光搖高樹照晴空銀章自竭人臣力一作分玉液誰知造化
功看取明朝船發後餘香猶尙逐仁風

句

誰云蒿上煙隨雲依碧落

投白公

莫怪西陵風景別鏡湖

花草爲先春

賀朱慶餘及第已上並見張爲主客圖

繁知一

繁知一秭歸令詩一首

書巫山神女祠

雪溪交議白居易除忠州刺史自峽沿流赴郡時秭歸縣繁知一聞居易將過巫山先于神女

祠粉壁大書此詩居易觀之悵然邀知一至曰歷山劉郎中禹錫三年理白帝欲作一詩於此怯而不爲罷郡經過悉去詩板千餘首但留沈佺期王無競皇甫冉李端四章而已此四章古今絕唱人造次不合爲之與知一同濟卒不賦詩

忠州刺史今才子行到巫山必有詩爲報高唐神女道
速排雲雨候清詞

嚴休復

嚴休復官散騎常侍平盧節度使詩二首

唐昌觀玉蕊花折有仙人遊悵然成一絕

劇談錄長安安

業坊唐昌觀有玉蕊花每發若瓊林瑤樹元和中見一女子年可十七八容色婉婉從二女冠造花所佇立良久折花數枝曰曩有玉峯之期可以行矣行日許步不復見

終日齋心禱玉宸
魂銷目斷未逢真
不如滿樹瓊瑤蕊
笑對藏花洞裏人

羽車潛下玉龜山
塵世何由覩薜顏
唯有多情枝上雪
好風吹綴綠雲鬟

盧拱

盧拱祕書郎終申州刺史與白居易同時詩二首

江亭寓目

江郭帶林巒
津亭倚檻看
水風蒲葉戰
沙雨鷺鷥寒
晚木初凋柳
秋叢欲敗蘭
哀猿自相呌
鄉淚好無端

中元日觀法事

四孟逢秋序
三元得氣中
雲迎碧落步
章奏玉皇宮
壇

滴槐花露香飄柏子風羽衣凌縹緲瑤轂輾虛空久慕
餐霞客常悲習蓼蟲青囊如可授從此訪鴻蒙

句

地簷如拳石溪橫似葉舟

路浚春日
見語林

李諒

李諒字復言三宰劇縣再爲郡牧終京兆尹詩一首

蘇州元日郡齋感懷寄越州元相公杭州白舍

人

時長慶
四年也

稱慶還鄉郡吏歸端憂明發儼朝衣首開三百六旬日

一作

新知四十九年非當官補拙猶勤慮游宦量才已息

機舉族共資隨月俸一身惟憶故山薇舊交邂逅封疆

近老牧蕭條宴賞稀書札每來同笑語篇章時到借光輝
絲綸暫厭分符竹舟楫初登擁羽旗未知今日情何似
應與幽人事有違

劉猛

劉猛梁州進士與元稹同時詩三首

月生

月生十五前日望光彩圓月滿十五後日畏光彩瘦不
見夜花色一尊成暗酒匣中苔背銅光短不照一作遍空不
惜補明月慚無此良工

苦雨

自念數年間兩手中藏鉤於心且無恨他日爲我羞古

老傳童歌連淫亦兵象夜夢戈甲鳴苦不願年長

曉

朝梳一把白夜淚千滴雨可恥垂拱時老作在家女

萬彤雲

萬彤雲爲白居易所賞詩一首

獻盧尚書

雲溪友議云彤雲游梓州謁盧尚書弘宣爲閹人艱阻爲詩以獻公怒閹者而禮萬生焉

荷衣拭淚幾回穿欲謁朱門抵上天不是尚書輕下客
山家無物與王權

盧貞

盧貞字子蒙官河南尹開成中爲大理卿終福建觀察
使詩二首

和白尚書賦永豐柳

在序

永豐坊西南角有垂柳一株柔條極茂白尚書曾
賦詩傳入樂府遍流京都近有詔旨取兩枝植於
禁苑乃知一顧增十倍之價非虛言也因此偶成
絕句非敢繼和前篇

一樹依依在永豐兩枝飛去杳無蹤玉皇曾採人間曲
應逐歌聲入九重

和劉夢得歲夜懷友

文翰走天下琴尊臥洛陽貞元朝士盡新歲一悲涼名
早緣才大官遲爲壽長時來知病已莫歎步趨妨

全唐詩

王起

王起字舉之揚州人宰相播之弟貞元十四年進士第
又登制策直言極諫科累官尚書左僕射終山南西道
節度使起書無不讀一經目弗忘三典貢舉皆得人集
一百二十卷今存詩六首

和李校書雨中自祕省見訪知早入朝便入集
賢不遇詩

有序

起頃任集賢校書及升柏臺又與祕閣相對今直
書殿有張學士嘗忝同幕而與祕書稍遠故瞻望
之詞多